

合部金光明經

卷八

百三十七
化八

48151



元祿九年丙子二月日重脩

皇圖環圖 帝漸銀呂

佛日增輝 懋容輪常轉

山城州天安寺法金剛院置



合部金光剛經卷第八

隋大興善寺沙門寶貴合入

捨身品第二十二

爾時道場菩提樹神復白佛言世尊我聞世尊過去修行菩薩道時具受無量百千苦行捐捨身命肉血骨髓唯願世尊少說往咎苦行因緣為利衆生受諸快樂尔時世尊即現神足神足力故令此大地六種震動於大講堂衆會之中有七寶塔從地涌出衆寶羅網彌滿其上爾時大衆見是事已生希有心爾時世尊即從座起禮拜此塔恭敬圍遶還就本座爾時道場菩提樹神白佛言世尊如來

世雄出現於世常為一切之所恭敬於諸衆
生最勝最尊何因緣故禮拜是塔佛言善女
天我本修行菩薩道時我身舍利安止是塔
因由是身令我早成阿耨多羅三藐三菩提
爾時佛告尊者阿難汝可開塔取中舍利示
此大衆是舍利者乃是無量六波羅蜜功德
所熏爾時阿難聞佛教勅即往塔所禮拜供
養開其塔戶見其塔中有七寶函以手開函
見其舍利色妙紅白而白佛言世尊是中舍利
其色紅白佛告阿難汝可持來此是大士真身
舍利爾時阿難即舉寶函還至佛所持以上佛
爾時佛告一切大衆汝等今何禮是舍利此

舍利者是戒定慧之所熏修甚難可得最上
福田爾時大眾聞是語已心懷歡喜即從坐
起合掌恭敬頂禮菩薩大士舍利尔時世尊
欲為大眾斷疑網故說是舍利往咎因緣阿
難過去之世有王名曰摩訶羅陀修行善法
善治國土無有怨敵時有三子端正微妙

色殊特威德第一第一太子名摩訶波那羅
次子名曰摩訶提婆小子名曰摩訶薩埵是
三王子於諸園林遊戲觀看次第漸到一大
竹林憇駕止息第一王子作如是言我於今
日心甚怖懼於是林中將無衰損第二王子
復作是言我於今日不自惜身但離所愛心

憂愁耳第三王子復作是言我於今日獨無
怖懾亦無愁惱山中空寂神仙所讚是處閑
靜能令行人安隱受樂時諸王子說是語已
轉復前行見有一虎適產七日而有七子圍
遶周帀飢餓窮悴身體羸損命將欲絕第一
王子見是虎已作如是言怪哉此虎產來七
日七子圍遶不得求食若為飢逼必還噉子
第三王子言此虎經常所食何物第一王子
言此虎唯食新熱肉血第三王子言君等誰
能與此虎食第二王子言此虎飢餓身體羸
瘦窮困頓乏餘命無幾不容餘處為其求食
設餘求者命必不濟誰能為此不惜身命第

一王子言一切難捨不過己身第二王子言我等今者以貪惜故於此身命不能放捨智慧薄少故於是事而生驚怖若諸大士欲利益他生大悲心為衆生者捨此身命不足為難時諸王子心大愁憂久住視之目未曾捨作是觀已尋使離去爾時第三王子作是念言我今捨身時已到矣何以故我從昔來多棄是身都無所為亦常愛護處之屋宅又復供給衣服飲食卧具醫藥象馬車乘隨時將養令無所乏而不知恩反生怨害然復不免無常敗壞復次是身不堅無所利益可惡如賊猶若行廁我於今日當使此身作無上業

於生死海中作大橋梁復次若捨此身則捨
無量癰疽癩疾百千怖畏是身唯有小大便
利是身不堅如水上沫是身不淨多諸虫戶
是身不淨筋纏血塗皮骨髓腦共相連持如
是觀察甚可患厭是故我今應當捨離以求
寂滅無上涅槃永離憂患無常變異生死休
息無諸塵累無量禪定智慧功德具足成就
微妙法身百福莊嚴諸佛所讚證成如是無
上法身與諸衆生無量法樂是時王子勇猛
堪任作是大願以上大悲重修其心慮其二
兄心懷怖懾或恐固遮爲作留難即便語言
兄等今者可與眷屬還其所止尔時王子摩

訶薩埵還至虎所脫身衣裳置竹枝上作是
誓言我今為利諸衆生故證於最勝無上道
故大悲不動捨難捨故為求菩提智所讚故
欲度三有諸衆生故滅生死怖衆惱熱故是
時王子作是誓已即自放身卧餓虎前是時
王子以大悲力故虎無能為王子復作如是
念言虎今羸瘦身無勢力不能得我身血
肉食即起求刀周遍求之了不能得即以乾
竹刺頸出血於高山上投身虎前是時大地
六種震動日無精光如羅睺羅阿脩羅王捉
持障蔽又兩雜華種種妙香時虛空中有諸
餘天見是事已心生歡喜歎未曾有讚言善

哉善哉大士汝今真是行大悲者。為衆生故。難捨能捨於諸學人。第一勇健。汝已為得諸佛所讚。常樂任處。不久當證無惱無熱清淨涅槃。是虎爾時見血流出。汗王子身即便舐血。噉食其肉。唯留餘骨。爾時第一王子見地大動。為第二王子而說偈言。

震動大地。及以大海。日無精光。如有覆蔽。於上虛空。雨諸華香。必是我弟。捨所愛身。第二王子復說偈言。

彼虎產來。已經七日。七子圍遶。窮無飲食。氣力羸損。命不去遠。小弟大悲。知其窮悴。懼不堪忍。還食其子。恐定捨身。以救彼命。

時二王子心大愁怖涕泣悲歎容貌憔悴復
共相將還至虎所見弟所著被服衣裳皆悉
在一竹枝之上骸骨髮爪布散狼籍流血處
處遍汗其地見已悶絕不自勝持投身骨上
良久乃悟即起舉手呼天而哭我弟幼稚才
能過人特為父母之所愛念奄忽捨身以飼
餓虎我今還宮父母設問當云何荅我寧在
此併命一處不忍見是骸骨髮爪何心捨離
還見父母妻子眷屬朋友知識時二王子悲
號懊惱漸捨而去時小王子所將侍從各散
諸方互相謂言今者我天為何所在尔時王
妃於睡中夢夢乳被割牙齒墮落得三鵠鷄

一爲鷹食爾時王妃大地動時即便驚寤心
大愁怖而說偈言

今日何故大地大水一切皆動物不安所
日無精炁如有覆蔽我心憂苦目眩瞶動
如我今者所見瑞相必有災異不祥苦惱
於是王妃說是偈已時有青衣在外已聞王
子消息心驚惶怖尋即入內啓白王妃作如
是言向者在外聞諸侍從推覓王子不知所
在王妃聞已生大憂惱涕泣滿目至大王所
我於向者傳聞外人失我最小所愛之子大
王聞已而復悶絕悲哽苦惱投淚而言如何
今日失我心中所愛重者爾時世尊欲重宣

此義而說偈言

我於往昔無量劫中捨所重身以求菩提
若為國王及作王子常捨難捨以求菩提
我念宿命有大國王其王名曰摩訶羅陀
是王有子能大布施其子名曰摩訶薩埵
復有二兄長者名曰大波那羅次名大天
三人同遊至一空山見新產虎飢窮無食
時勝大士生大悲心我今當捨所重之身
此虎或為飢餓所逼儻能還食自所生子
即上高山自投虎前為令虎子得全性命
是時大地及諸大山皆悉震動驚諸蟲獸
虎狼師子四散馳走世間皆暗無有光明

是時二兄故在竹林心懷憂惱愁苦涕泣
漸漸推求遂至虎所見虎虎子血汗其口
又見骸骨髮毛爪齒處處迸血狼藉在地
是二王子見是事已心更悶絕自躄於地
以灰塵土自塗全身忘失正念生狂癡心
所將侍從覩見是事亦生悲慟失聲號哭
互以冷水共相噴灑然後蘇息而復得起
是時王子當捨身時正值後宮妃后嫫女
眷屬五百共相娛樂王妃是時兩乳汁出
一切肢節痛如針刺心生愁惱以喪愛子
於是王妃疾至王所其聲微細悲泣而言
大王今當諦聽諦聽憂愁盛火今來燒我

我今二乳俱時汁出身體苦切如被針刺
我見如是不祥瑞相恐更不復見所愛子
今以身命奉上大王願速遣人求覓我子
夢三鴿鷓在我懷抱其最小者可適我心
有鷹鳥飛來奪我而去夢是事已即生憂惱
我今愁怖恐命不濟願速遣人推求我子
是時王妃說是語已即時悶絕而復躡地
王聞是語復生憂惱以不得見所愛子故
其王大臣及諸眷屬悉皆聚集在王左右
哀哭悲號聲動天地爾時城內所有人民
聞是聲已驚愕而出各相謂言今是王子
為活來耶為已死立如是大王常出軟語

爲衆所愛今難可見已有諸人入林推求
不久自當得定消息諸人爾時憶惶如是
而復悲號哀動神祇
爾時大王即從坐起以水灑妃良久乃穌
還得正念微聲問王我子今者爲死活耶
爾時王妃念其子故倍復懊惱心無暫捨
可惜我子形色端正如何一旦捨我終亡
云何我身不先薨沒而見如是諸苦惱事
善子妙色猶淨蓮華誰壞汝身使令分離
將非是我咎日怨讎俠本業緣而殺汝耶
我子面目淨如滿月不啻一旦遇斯禍對
寧使我身破碎如塵不令我子喪失身命

我所見夢已為得報。值我無情，能堪是苦。如我所夢，牙齒墮落，二乳一時，汁自流出。必定是我失所愛子。夢三鴿鷓鷹奪一去。三子之中，必定失一。

爾時大王即告其妃：我今當遣大臣使者，周遍東西推求覓子。汝今且可莫大憂愁。大王如是慰喻妃已，即便嚴駕出其宮殿，心生愁惱，憂苦所切。雖在大眾，顏貌憔悴。即出其城，覓所愛子。爾時亦有無量諸人，哀號動地，尋從王後。是時大王既出城已，四向願望，求覓其子。煩惱心亂，靡知所在。最後遙見有一信來。

頭蒙塵土血汗其衣灰糞塗身悲號而至
爾時大王摩訶羅陀見是使已倍生懊惱
舉手號叫仰天而哭先所遣臣尋復來至
既至王所作如是言願王莫愁諸子猶在
不久當至令王得見須臾之頃復有臣來
見王愁苦顏貌憔悴身所著衣垢膩塵汗
大王當知一子已終二子雖存哀悴無賴
第三王子見虎新產飢窮七日恐還食子
見是虎已深生悲心發大誓願當度衆生
於未來世證成菩提即上高處投身餓虎
虎飢所逼便起噉食一切血肉已爲都盡
唯有骸骨狼藉在地是時大王聞臣語已

轉復悶絕失念躡地憂愁盛火熾然其身
諸臣眷屬亦復如是以水灑王良久乃蘇
復起舉手號天而哭復有臣來而白王言
向於林中見二王子愁憂苦毒悲號涕哭
愁悶失志自投於地臣即求水灑其身上
良久之頃乃還蘇息望見四方大火熾然
扶持暫起尋復躡地舉手悲哀號天而哭
乍復讚嘆其弟功德是時大王以離愛子
其心迷沒氣力愒然憂惱涕泣並復思惟
是最小子我所愛重無常大鬼奄便吞食
其餘二子今雖存在而爲憂火之所焚燒
或能爲是喪失命根我宜速往至彼林中

迎載諸子急還宮殿其母在後憂苦逼切
心肝分裂或能失命若見二子慰諭其心
可使終保餘年壽命爾時大王駕乘名象
與諸侍從欲至彼林即於中路見其二子
號天扣地稱弟名字時王即前抱持二子
悲號涕泣隨路還宮速令二子覲見其母
佛告樹神汝今當知爾時王子摩訶薩埵
捨身飼虎今我身是爾時大王摩訶羅陀
於今父王輸頭檀是爾時王妃今摩耶是
第一王子今彌勒是第二王子今調達是
爾時虎者今瞿夷是時虎七子今五比丘
及舍利弗目犍連是

爾時大王摩訶羅陀及其妃后悲號涕泣悉
皆脫身御服瓔珞與諸大眾往竹林中收其
舍利即於此處起七寶塔是時王子摩訶薩
埵臨捨命時作是誓願願我舍利於未來世
過筭數劫常為衆生而作佛事說是經時無
量阿僧祇天及人發阿耨多羅三藐三菩提
心樹神是名禮塔往咎因緣爾時佛神力故
是七寶塔即沒不現

金光明經讚佛品第二十三

爾時無量百千萬億諸菩薩衆從此世界至
金寶蓋山如來國土到彼土已五體投地為佛
作禮却一面立向佛合掌異口同音而讚歎曰

如來之身 金色微妙 其明照曜 如金山王
身淨柔軟 如金蓮華 無量妙相 以自莊嚴
隨形之好 光飾其體 淨潔無比 如紫金山
圓足無垢 如淨滿月 其音清徹 妙如梵聲
師子吼聲 大雷震聲 六種清淨 微妙音聲
迦陵頻伽 孔雀之聲 清淨無垢 威德具足
百福相好 莊嚴其身 光明遠照 無有齊限
智慧寂滅 無諸愛習 世尊成就 無量功德
譬如大海 須彌寶山 為諸衆生 生憐愍心
於未來世 能與快樂 如來所說 第一深義
能令衆生 寂滅安隱 能與衆生 無量快樂
能消無上 甘露妙法 能開無上 甘露法門

能入一切無患窟宅能令衆生悉得解脫
度於三有無量苦海安住正道無諸憂苦
如來卅尊功德智慧大慈悲力精進方便
如是無量不可稱計我等今者不能說喻
諸天世人於無量劫盡思度量不能得知
如來所有功德智慧無量大海一滴少分
我今略讚如來功德百千億分不能宣一
若我功德得聚集者迴與衆生證無上道
爾時信相菩薩即於此會昇從坐而起偏袒右
肩右膝著地合掌向佛而說讚言
世尊百福相好微妙功德千數莊嚴其身
色淨遠照視之無厭如日千光彌滿虛空

光明熾盛 無量無邊 猶如無數 珍寶大聚
其明五色 青紅赤白 瑠璃頗梨 如鞞真金
光明赫奕 通徹諸山 悉能遠照 無量佛土
能滅衆生 無量苦惱 又與衆生 上妙快樂
諸根清淨 微妙第一 衆生見者 無有厭足
髮紺柔軟 猶孔雀項 如諸蜂王 集在蓮華
清淨大悲 功德莊嚴 無量三昧 及以大慈
如是功德 悉以聚集 相好妙色 嚴飾其身
種種功德 助成菩提 如來悉能 調伏衆生
令心柔軟 受諸快樂 種種深妙 功德莊嚴
亦爲十方 諸佛所讚 其光遠照 遍於諸方
猶如日月 充滿虛空 功德成就 如須弥山

在在示現於諸世界齒白齋整猶如珂雪
其德如日處空顯眉間毫相右旋婉轉
光明流出如琉璃珠其色微妙如日處空
今時道場菩提樹神復說讚曰

南無清淨無上正覺甚深妙法隨願覺了
遠離一切非法非道獨拔而出成佛正覺

知有非有本性清淨希有希有如來功德
希有希有如來大海希有希有如須彌山
希有希有佛無邊行希有希有佛出於世
如優曇華時一現耳希有希有無量大悲
釋迦牟尼為人中日為欲利益諸衆生故
宣說如是妙寶經典善哉如來諸根寂滅

而復遊入善寂大城無垢清淨甚深三昧
入於諸佛所行之處一切聲聞身皆空寂
兩足世尊行處亦空如是一切無量諸法
推本性相亦皆空寂一切衆生性相亦空
狂愚心故不能覺知我常念佛樂見世尊
常作誓願不離佛日我常於地長跪合掌
其心戀慕欲見於佛我常修行最上大悲
哀泣雨淚欲見於佛我常渴仰欲見於佛
爲是事故憂火熾然唯願世尊賜我慈悲
清冷法水以滅是火世尊慈愍悲心無量
願使我身常得見佛世尊常護一切人天
是故我今渴仰欲見聲聞之身猶如虛空

此幻響化 如水 中月 衆生之性 如夢所見
如來行處 淨如琉璃 入於無上 甘露法處
能與衆生 無量快樂 如來行處 微妙甚深
一切衆生 無能知者 五通神仙 及諸聲聞
一切緣覺 亦不能知 我今不疑 佛所行處
唯願慈悲 爲我現身 爾時世尊 從三昧起
以微妙音 而讚歎言 善哉善哉 樹神善女
汝於今日 快說是言 一切衆生 若聞此法
皆入甘露 無生法門
金光明經 付囑品 第二十四
爾時世尊 告彼大菩薩衆 言汝等善丈夫輩
誰能守護 此諸如來 阿僧祇劫 集成善菩提於

我滅後以此法本當作廣現令正法久住故
爾時彼菩薩衆中有六十俱致菩薩及六十
俱致天女同以一咽喉聲說如是言世尊我
等堪能守護此諸如來阿僧祇劫集成菩提
於彼後時當作廣現爾時世尊說此伽陀
諸佛是實語 安住於實法 彼等實往故

此經增住持 大悲為鎧甲 大慈為安住
彼等慈力故 此經增住持 福聚為鎧甲
智聚所出生 諸聚和合故 此經增住持
降伏諸魔羅 諸論亦破散 已斷於諸見
此經增住持 護世天帝等 諸梵及修羅
天龍輒闍婆 住持此已作 地住及虛空

所有諸天女

諸佛住持故

已說此行法

梵行相應故

四實已莊嚴

盡四魔羅故

此經增住持

虛空若作色

或色作非色

諸佛所住持

無有能令動

爾時四大天王同以一咽喉聲說此伽他

我等於此經

及子諸眷屬

亦善作守護

若當持此經

菩提已作緣

我當近彼等

四方作守護

爾時天帝向佛說此伽他

我知諸佛恩

導師亦已證

於此勝經典

已說佛出生

我於彼諸佛

報恩當作護

當護如是經

及彼持經者

爾時娑訶世界主大梵天王向佛說此伽他

諸定及無量 諸乘及解脫 皆由此經出

已說佛出生 我捨梵處樂 此經所在處

至彼聽聞故 守護當如是

爾時刪毘率多天子向佛說此伽他

若住於菩提 彼當住兜率 此經佛已說

若當有持者 世尊我當能 捨於天福報

閻浮洲內住 當說此行法

爾時商王魔羅子向佛說此伽他

清淨魔羅業 彼不隨魔羅 若當能持此

修多羅正義 我等於此經 守護當如是

我發精進欲 如是今廣現

爾時魔羅波卑摩向佛說此伽他

我於彼衆生 當不作障礙 若當持此者

煩惱皆折伏 魔羅不得便 故說於此經

以佛住持故 我當護彼等

爾時善德天子向佛說此伽他

若諸佛菩提 彼於此經說 若持此經典

彼即供諸尊 我當持此經 爲俱致天說

教化向菩提 當聽及敬重

爾時慈氏菩薩向佛說此伽他

不請之朋友 若彼住菩提 守護諸法故

能捨於自體 故我至梵率 如是修多羅

以佛住持故 我當作廣顯

爾時上座摩訶迦葉波向佛說此伽他

我等少智慧 聲聞乘已說 隨能隨勢力

教師法當持 若有持此經 我當攝受彼

及以堪能辯 與彼作善言

爾時命者阿難陀向佛說此伽他

諸經多千數 我聞教師口 如是等經典

我先未曾聞 我值遇此經 對面已受取

我當作廣顯 欲求於菩提

佛說此經時 菩提高樹善寂天女及彼大辯

天女等功德天女等諸天女及諸天眾釋梵

毗沙門等為首諸天王及彼諸大天眾輒闍

婆阿脩羅等世間於佛所說皆大歡喜

合部 金光 剛經卷第八

捐捨

上音 棄也

筋纏

上音 例

刺頸

上七亦反

疥瘡

下七徐反

亦疽瘡

必苗反

筋纏

上音 例

刺頸

上七亦反

疥瘡

下七徐反

上神

幼稚

利反 飼

音 寺 餽

悲號

高反 戶

鳩鵲

助下

俱反

目睫

下音 接

睇睞

如純反

悲哽

目上

用上

猛下

救渙

反上 武物

自躄

反下 毗也

空

下正 用

反

慟

下音 洞 悲

噴灑

下所 普 悶

驚愕

下各 反

怨讎

下各 反

二冤

俠

反胡 帖

煩惋

下烏 貫 反

驚愕

下各 反

愀然

上知 劣

扣地

上音 苦 候

亦

盡思度

中相 寺 反

鎧甲

上音 苦

下徒 憂也

赫弈

上音 許 客 反

音

咽喉

二音 煙 侯

鎧甲

上音 苦

反改 刪

覘

下正 作 珊 蘇 干 反

音

咽喉

二音 煙 侯

鎧甲

上音 苦

Handwritten notes and marks at the bottom left corner.



11

11

11

11

